

正德新鄉縣志

— 20150077

274

— 部三二二

天一閣藏明代方志選刊

新鄉縣志

新鄉縣志序

歐陽公嘗言令有土與民宜志風俗者有考焉歲之弘治甲子予受



命叨令新鄉下車以來累思考求圖志新以要衝靡於職務力不遑及也逡巡歲月粗知民俗土宜間閱舊志率多脫畧散漫又難為一己之力迺屬筆分教儒學江浦李君歸遵化周君榮爲纂輯選擇而得失較正頗出謬見之二也區分類別事以實而欲信詞以簡而欲明以卷計六以目計

五十五名曰新鄉縣志凡古今名物山川土地宮宇賦稅以及禮樂題咏之類靡不畢具焉呼古之志者與史同也以寓監戒示勸懲非徒事紀載觀閱之具者也故觀所載有土地焉則知田野之當闢也有名物焉則知風俗之當厚也有宮室焉則知興土木之所當省有貢賦焉則知貢粟所之所當戒志也者豈不與史同功哉茲因補梓將以達於郡於藩府會而爲一統之志庶幾令之所宜爲者得効於方寸具使後之令茲土者復有作焉得考是志以備增損又豈不爲行

遠亦高之一助或是爲序

正德元年歲在丙寅菊月吉日

賜進士出身文林郎知新鄉縣事潁州儲珊序

新鄉縣志目錄

圖

縣治之圖

卷之一

建置沿革

分野

郡名

形勝

風俗

疆域

城池

至到

山川

關廟

坊門

街市

鄉社

屯營

卷之二

土產

貢賦

農桑

課程

戶口

廨宇

學校

驛道

陰陽學

醫學

社學

鋪舍

倉

卷之三

壇遺

廟宇

陵墓

寺觀

橋渡

窪池

射圃

演武亭

鑿園

漏澤園

古蹟

景致

卷之四

名宦

人物

甲第

科目

貢士

制貢

卷之五

武職

材幹

方技

尚義

孝節

仙釋

褒貶

卷之六

題咏

文翰

新鄉縣志卷之一



鄉貢進士新鄉縣儒學訓導李應天府江浦李錦編輯

鄉貢進士新鄉縣儒學教諭順天府遵化周榮精選

賜進士文林郎知新鄉縣事直隸鳳陽府潁州府儲珮校正

建置沿革

按自封建廢而爲郡縣秦漢以來世變不一沿革靡常我

朝混一以來分封整敎其疆域之廣狹城池之興廢鄉社之分合損益皆不可以無志也

新鄉禹貢周職方冀州之域古鄘國之地昔周既誅三監盡以其地封康叔爲衛侯春秋鄘爲衛所併戰國屬衛秦滅衛屬三川郡漢爲汲縣新中鄉武帝幸濮氏至此鄉獲南越相

呂嘉首因以鄉置獲嘉縣屬河內郡後魏隸獲州以獲嘉縣置脩武郡并改獲嘉縣爲脩武以附郭隋隸殷州唐武德元年析獲嘉之新中編置新鄉尋以縣置義州四年廢州以縣隸殷州貞觀元年廢州改屬衛州五代皆因之宋熙寧六年縣廢以新鄉隸獲嘉元祐三年置縣隸衛州今循其舊元屬衛輝路

國朝天兵下河北縣戶崔復禮遁去民遂歸附仍爲新鄉縣屬

衛輝府

分野

按周禮保章氏以星宿別九州凡天下封疆皆分星以望氛祲察災祥而占吉凶也按本縣當古冀河內太行之域而界乎室壁之火實取嘗之分也

郡名

按古者郡名或以姓著或以地名示不忘本也新鄉郡名曰新中蓋循爲漢汲縣新中鄉故也

形勝

按營度位處形勢爲先昔人云地靈則人傑誠非是言也新鄉舊有形勢之志今特採著以觀勝槩新鄉之境左衛河右孟津太行峙其北黃河流其南原隰膺膺而四野曠如視他邑尤美

風俗

按相激而爲風相沿而爲俗風俗之轉移其幾則在於上也新中之風俗因時變遷屢矣備書於左以見今日之移易

衛國地濱大河其土薄故其人氣輕浮其地平下故其人質柔弱其地肥饒不費耕耨故其人心怠惰其人情

如此則其聲音亦淫靡故聞其樂使人懈慢而有邪僻之心

也 出詩傳張子註

俗剛強多豪傑侵奪薄恩禮好生分 出山堂考索

男女巫會聚好氣任俠有獲上之風 出山堂考索

煩雜平鹵宜於萬牧 出宋史地理志

金元夷夏雜處風俗益偷

國朝混一以來百四十餘年斯民溷濡

聖化改今男耕女織士業詩書淳朴是尚而流漓盡革焉

### 疆域

按

聖朝奄有六合固無爾疆我界然而郡邑之間不分疆域以限民

居業何所定乎

新鄉在本府西稍南其境東接汲縣西連獲嘉南鄰陽

武北至輝縣橫五十里縱八十里

### 城池

按新鄉為邑當四衝之要道不有城池抑何以捍外而備內乎

前人屢作之矣其固威設險之良圖備書之以便觀覽

云

新鄉土城周圍五里二百四十二步城高一丈八尺池闊一丈

深七尺有東曰迎恩西曰來賓南曰朝陽北曰拱辰

四門唐武德元年置縣歲久多傾圮濠亦淤塞

國朝景泰二年奉勅合知縣侯麟等重修復壞天順元年知縣

楊清重脩屢為沙水淤塞弘治九年知縣王統開築高

深迄今城既崩塌地亦淤塞知縣儲珊命衆役分工其基

則補砌以石其上則粉飾以灰倏然而成且極堅固城上

各脩巡更鋪以防不虞城外植柳千餘株以固其濠岸

高城深池規模宏遠有如此矣

至到

按至到分明所以示行人知所往也故列四至八到遠近於

左使往來者知所據焉

四至

東至汲縣界二十里

西至獲嘉縣界二十五里

南至陽武縣界二十里

北至輝縣界二十里

八到

東到汲縣五十里路通大名府滑縣

西到獲嘉縣四十里路通懷慶府脩武縣

南到陽武縣六十里路通開封府祥符縣

北到輝縣四十里路通彰德府林縣

東南到延津縣七十里路通封丘縣

西南到榮澤縣一百里路通鄭州

東北到淇縣九十里路通彰德府

西北到獲嘉縣四十里路通山西澤州

東南到

南京應天府陸路一千三百三十五里

東北到

北京順天府陸路一千四百五十里

山川

按邑有山川所以驗民俗之淳清觀形勢之盛衰新鄉  
太行遠峙於北五陵近鎮於東衛水流北門之外黃河經  
南野之濱驗民俗而觀形勢不外於此

山

五陵崗在縣東貳拾伍里其阜之大者有五故曰五陵崗

衛河在縣北門外源出輝縣蘇門山下流經本縣東北至  
衛輝遠於淇而達於

京師居民便於貢賦稅

黃河自縣南入界北與胙城相接金明昌五年河泛  
武城堤泛及金山越明年鑿新河脩石岸十四里  
有竒以塞其舊元時自原武縣決而東南流經陽  
武封立于今不入新邾西由獲嘉而徑注陽武下  
流于淮退灘甚饒居民利焉

沁河在縣西南西接武陟縣界經縣治西南五十里

八柳渡在縣西南四十里李臺社

新黃河在縣西南五十里

國朝正統十三年黃沁二河泛漲衝開堤岸自獲嘉縣東經本縣  
南二十里固單馬頭東注於海名曰新黃河

關廂

按城有關廂在在然也為斯民者孰不願居邑左右以便於  
應役以經營物貨柰蜂房井絡於城市中者既廢矣  
不得已而附居於郭故名曰關廂說者謂惺惺縣治而設是

憶度也

迎恩關在縣東門外舊有民居數不滿百近年以來而民之樂居就業者日衆有兩門以固東西有墻垣以固圍居民商貨既庶而富其感召有自矣

樂水關在縣北門外衛河南岸以水路通便故商賈纒附物貨山集目今最爲繁庶其亦近說遠來之驗歟

坊門

按我

朝坊門之設將以丕振文風作興士類其衰崇之也至矣今將新中坊門備書於左非獨以見人才之盛抑以使後之爲士者襲幽香而起敬觀遺跡而自勵焉

進士坊在東街洪武乙丑年爲進士邢冕建

進士坊在北街永樂戊戌年爲進士馬良建

進士坊在西街景泰辛未年爲進士戚寧建

進士坊在西街天順丁丑年爲進士劉俊建

方伯坊在西街洪武十年爲布政使李炳建

司諫坊在西街永樂元年爲給事中李昇建

繡衣坊在南街永樂十七年爲御史李素建

身繡坊在東街永樂十七年爲御史王生建

繡衣坊在西街成化二十年爲御史戚寧

折桂坊在西街洪武庚午年爲舉人李景建

雲梯坊在西街洪武癸酉年爲舉人楊仁建

桂林坊在西街永樂己酉年爲舉人尚志建

慶餘坊在南街永樂己酉年爲舉人劉順建

撥桂坊在南街永樂辛卯年爲舉人劉傑建

登雲坊在西街永樂甲午年爲舉人張燧建

鳳鳴坊在北街永樂庚子年爲舉人普讓建

文明坊在東街永樂庚子年爲舉人張習建

敘錦坊在西街永樂癸卯年爲舉人李達建

步蟾坊在北街永樂癸卯年爲舉人李濟建

登瀛坊在西街永樂癸卯年爲舉人劉濬建

接武坊在西街正統辛酉年爲舉人劉琰建

世美坊在西街正統辛酉年爲舉人尚佐建

騰霄坊在西街正統甲子年爲舉人李恕建

鵬程坊在南街景泰庚午年爲舉人劉祇建

鵬搏坊在東街景泰庚午年爲舉人王儀建

攀蟾坊在東街景泰庚午年爲舉人岳峻建

以上見舊志間有坊雖不存名不隨朽也

進士坊在西街弘治己未爲進士李光翰建

進士坊在北街弘治己未年爲進士潘鐸建

鯤化坊在東街天順乙卯年爲舉人袁英建

應奎坊在北街天順壬午年爲舉人趙恭建

文魁坊在西街成化戊子年爲舉人樊璽建

觀光坊在北街成化辛卯年爲舉人楊玘建

榮光坊在東街成化丙午年爲舉人吳仲全建

冠英坊在西街成化丙午年爲舉人郭洪建

蛟起坊在西街弘治己酉年爲舉人李光翰建

鍾秀坊在北街弘治己酉年爲舉人郭郁建

世科坊在西街弘治壬子年爲舉人戚綸建

濟美坊在西街弘治壬子年爲舉人朱錦建

鳳騰坊在北街弘治壬子年爲舉人潘鐸建

凌雲坊在西街弘治辛酉年爲舉人葉緒建

鳴陽坊在東街弘治辛酉年爲舉人劉鳳儀建

雲龍坊在北街弘治甲子年爲舉人裴克服建

司諫坊在面街弘治十八年知縣儲珊為給事中李光勳

司諫坊在北街弘治十八年知縣儲珊為給事中潘鐸建

宣化坊在縣治譙樓外弘治十八年知縣儲珊創建

儒林坊在儒學前弘治八年知縣王統創建

### 街市

按古者神農之時日中為市蓋欲民買遷有無也

聖朝法古為治故今街衢市井翼翼整飾而凡出入相交守

望相助者無不便農末相資有無相易者無不足

故併志之

### 街衢

絃歌街在縣治前

崇化街在迎恩門內

安仁街在拱辰門內

歸德街在朝陽門內

北小街在安仁街西後

小南街在絃歌街南後

東小街在崇化街南後

臨川街在儒學東舊為隙地弘治八年知縣王統開

治故名曰臨川街

市集

絃歌街集

崇化街集

安仁街集

歸德街集

迎恩關集

樂水關集

以上每一日一集週而復始

小莫社集在縣西南三十五里

新店集在縣東南二十五里

八柳渡集在縣南四十里

大家店集在縣西二十里

以上四集在鄉每二日一集

鄉社

按新鄉居四通八達之地居民輻輳昔因歸附

聖廟各從其類而環居之然而里居之遠近載籍可考故併志之以便覽焉

鄉五

新中鄉

嘉善鄉

南嘉平鄉

歸德鄉

貴賢鄉

社五十一

在城社

大趙社

永康社

小奠社

張青社

介二保社

司馬社

郭柳社

戒海社

塊村社

以上十上社

李臺社

陳保社

豐安南社

豐安北社

永興社

辛庄社

原庄社

王村社

大奠社

大泉社

東庄岩社

龍潭社

長興社

大興社

正興社

魯保社

以上十六中社

永城社

興寧社

丁家社

賈城社

付庄社

呂村社

定郭社

西庄岩社

介三社

保安社

弘農社

永安社